

## Олег Четкарев

### Дондй но Курдан

#### ВЫЖЫКЫЛ

...Азъвыл, вашкала дырьёсы, гуртмес пумтэм-йылтэм съёд нюлэс котыртэ вылэм. Али но шур сопалась нюлэсэз «Съёд нюлэс» шуо на, бадъым ке но өвёл ни со... Улйллям адымиос, нюлэсэз сайкиллям, бушатэм интые нянь, етйн кизыылллям, нош ваньбур трогес поттозы вылэм пёйшура. Тазаесь вылйллям воргоронъёс, кионэз, кочышпиез сямен, сильсьөртйз Жутэ, пе, вал. Ваньмызлэсь кужмо вылэм Дондй нимо егит пи. Но укыр кышкась. Пёйшураны гинэ өвёл, уйин коркасьтыз потаны но курдалоз, пе, вал. Одыг пол егитъёс сое юри пеймыт мунчое Чогаллям. Дондй, гур съёрысь шырлэсь Чашетэмзэ кылыса, мунчо срез Жутэм но синтэм-пельтэм бызе, пе, ачиз черекъя:

- Мунчокузё, мунчокузё уйиське!

Кышкамезлэсь туж возъдаське вылэм Дондй, нош кызы кышкасьтэм луыны - уг тоды. Эшъёсыз серекъямысь, бератаз палэнскем соослэсь.

Огнуналэ пуксем гурт пумын пёзись ошмес дуре но пук, пе, куруктыса. Чап кинлэсь ке пыд куаразэ кылэм. Учкэм но - синъёсэз ик кынем, быдэс вылтыртйз пёсь тулкымъёс ортчиллям, сюлмыз лурк! лурк! тэтчаны өдъям. Аяз ныл сылэ: синъёсыз - кык кизилиос, йырсиосыз шунды сиос выллем кысътасько, мугорыз пинал беризь кадъ веськрес. Яратон каръяськем пилэн сюлмаз. Дыды но (со ныллэм нимыз озы вылэм) соку ик синмаськем Дондйлы. Учкымон, ой, чебер потэм егит пи солы! Ведь азъвыл, кёня пол адъылйз сое, кёберыз ик ой вал, нош али, оло, синмыз пёртмаз - сыче сюлмаз усиз пилэн тусыз, мугорыз: лыз синмо, мертчан йырсиё, паськыт пельпумо. Кин ке, юри син мальдытон понна, тёды беризь пулэсь вёлэм кожало сое. Учко, пе, таос огзы шоры огзы, вазыны гинэ өвёл, шокрыштыны уг дйсьто, нош сюлэмъёссы, сюлэмъёссы!.. Инмысь тюрагайёс музэн лопырьасько. Озы ик, номыр вазылытэк, люкиськиллям. Оло нош, синъёссы вераллям гажан мылкыдзэс нуналлы быдэ ошмес дорын пумиськылыны өдъяллям таос. Одыг кыл гинэ поттоно угось, отйяз вераськон, ошмес ву сямен, ачиз пёзыны кутске. Кыче но шунит, мусоясь кылъёсты өз кылы дун ошмесэд, ныллэн, пилэн пыд дортйзы нуныяськыса нюжъяськыкуз!

Дондй син азын воштйськыны өдъям. Дыдыен артэ со эшшо кужмогес луэ кадъ, пеймыт уйин но ошмес доры мыныны ой кышкасал ни, дыр. Оло, озы ик кышкан сямзэ но вунэтысал со, атай юртаз лул-гажанзэ вайысал... Эк-эк-эк, шундыез пилем ватэ угось, шуд бёрсын куруктон ветлэ. Со матын, пеймыт куакъёс съёрын, Жуась синъёсын учкылэ...

Огнуналэ нылэн но пиен, котьку сямен ик, ошмес дорын дыдыкъёс музэн гурласа пукизы. Шөдтэк шорысь съёд нюлэс шимес шаугетйз, сюлэм шымырамон Жукуртйз, кёс улвайёсынызы тачыртйзы Жуйыем писпуос. Соос съёрысь потйз... адыми ке шуод, адымилы уг укша, съёсь пёйшур ке шуод, солы но уг укша - луло писпу но тйни: йырсиез шайтан кар кадъ пежырскемын, кыиз-пыдыз куаськем улвайёс кадесь, вামыштэмезлы быдэ лосырто, синъёсыз, тыло эгыр музэн, горд тылын Жуало. Ачиз Нюлэсмурт со вылэм.

Дондй кышкаменыз ваньзэ вунэтэм: гажанзэ но, дурыстэм кужмо луэмзэ но. Шимес черекъяса, гурт пала бызем. Кылымтэ ни мискинъ ныллэсь юрттыны курыса кесяськемзэ. Нош Дыдыез (адямиос адъяса вуттйллям на сое) Нюлэсмурт улвай киосыныз дэмжытэм но съод нюлэскы нуэм. Воргоронъёс уйискиллям со съёры но - сутод на, пе, Нюлэсмуртэз тэлын, котькуд писпу аязыз султэ, пыдъёсты силё съолта, чибинъёс синме пыро. Гурт калык кенеше люкаськем. Ваньзы учко пересь Пужей шоры. Солэсь синчеберзэ, одйг гинэ шумпотонзэ нуиз угось Нюлэсмурт. Туж куректэ пересь, куалекъясь киосыныз бодыез борды пыкъяськем но куаратэк, сюлмыныз бөрдэ. Тани со йырзэ жутйз, калык съёры ватйськем Дондйез синйылтйз.

- Тонэн сэрен нылме Нюлэсмурт нуиз, инбам мед чашъёз

тон кадьёсты! – бодызэ пи шоры урдэм Пужей. -

Мед пуксёз со кышканэд пельпум вылад, музьемозь мед зйбоз!

Озы шуэм но кенешысь губырскыса кошкем. Нош калык Дондйез гуртысь уллям.

Вамышъя, пе, со, ачиз но уг тоды кытчызэ, пыдъёсыз тодмо ошмес доры вуттйллям. Ваньмыз отын азьвыл кадь ик: дун ву жингра, тылобурдоос чирдо, турын-куар пёлын жозъёс чиргето, гажанэз гинэ өвёл ни. «Съод нюлэскы мыноно, шедьтоно Дыдыез, мозмытоно сое Нюлэсмурт кийсь», - малпам Дондй. «Нош тэлын съось пйшуръёс калго, нюръёс сыръяло - бырод отчы», - кин ке сипыртэм пеляз. Учке но - паллян пельпум вылаз пичи мунё быдза адыми пуке, йырсиез пежырскемын, синъёсыз питыр бергало, быдэс мугорыз кезег йотэм муртлэн сямен куалекъя.

- Кин тон сыче?! - кушетскем Дондй.

- Мон Курданэд тынад, - шуэм соиз.

- Васькы пельпум вылысьтым, - косэм егит пи.

- Уг васькы, мынам интые татын, - пельпумаз юнгес кырмиськем Курдан. - Асьмеос табере котьку тазы ветлом.

Вожомем Дондй, Курданэз музэ куштыны выре, пе, нош соиз, оло, бурмем бордаз, номыр каремез уг луы. Озы выронъяз, куакъёс пёлысь лосыртэмез кылэм, Нюлэсмурт лыктэ шуыса, куалек луэм. Курдан пеляз сипыртэ ини:

- Пегзы, уть, моко кутоз! — сюлэмзэ шымыртэ пилэсь.

Чидамтэ ни Дондй - бызбыса кошкем бусые. Дугдэм бераз пельпумаз учкем но - Курданэз кык пол баджымгес луэм. Быдэс уйзэ кёлыны сётымтэ Курдан. Чаштыртэм кылйське гинэ, пилэсь мугорзэ, юзыр-кезыр карыса, кезыт, гоно киосыныз маялтэ, ачиз пумен будэ, будэ... Чукнаозь чумолё быдза луэм. Мырдэм ворме на, пе, сое Дондй, куалекъясь пыдъёсыз вылын музьемозь мыкырскыса ветлэ. Ма кароно, кызы Курданэз пельпум вылысьтыз куштоно, кызы Дыдыез мозмытоно?

Юаны нокинлэсь. Тйни соку аяз вож тушо пересь кылдэм.



- Тодйсько куректондэ, батыр, - шуэм со, йыр вылысьтыз сясыка тугокозэ кырыжтыса. - Секыт йӧтоз тыныд шуддэ мозмытыны. Юртто тыныд - бусыын эеч гыремед понна, йырси кадь чем киземед понна. Тани тыныд палаш. Соин гинэ мозмытыны быгатод дыдыдэ, соин ик Курдандэ но пельпум вылысьтыд сэрпалтод. Но Нюлэсмуртлэн караз сюрес уйин гинэ шедьтод. Гажанэдлэн усьылэм синву шапыкъёсыз пиштозы тыныд. Кышкаса берлань берытскид ке, сюрестэ уд шедьты ни, жуась шапыкъёс кысозы, яратонэд даурлы нюлэскы кылёз.

Вож тушо пересь (Вожо вылэм со) озы шуэм но ышем.

Вылысь пеймыт уй вуэм. Дондй нюлэс пала вамыштэм. Нош Курдан чемтылытэ сое, уг лэзы мыныны, кӧшкемыт вузэ, горекъя, шимес сипыртэ. Ошмес доры вуэм Дондй, адже: турын-куар пӧлын кизили ворекия дыдылэн синву шапыкез озы уйин пиштйсь маржанлы пӧрмем. Жутэм сое Дондй, сюрэм бордаз, пияз, понэм, сюрэмыз соку ик эырдэм, сзэ-сзэ луэм егит пи. Жот-Жот вамышъяса, нюлэскы со пырем. Азыпалаз выль но выль кизилиос пишто. Соосты бичанъяз, Дондй кышканзэ но вунэтэм, ялан азылань мынэ, сьӧд нюлэскы пыдлогес пыре, пеляз сипыртйсь Курданзэ куд-ог дыръя салылы но, соиз кӧнялы ке нош зйблеме.

Шӧдтэк шорысь кионъёс вузыны ӧдъяллям, кучыранъёс гуэкто, писпуос зукурто. Кышкасьтэм мурт но кӧбералоз. Курдан вылысь лопырskem.

- Берытскы, уд вормы Нюлэсмуртэз, уть ай, кионъёс кесялозы, - алыны турттэ со. Дондй, сюрэмыз шымырам ке но, юнматskem, угось гажанэзлэн синвуосыз пишто, азылань ӧтё. Вож тушо пересылэсь верамзэ тодаз возе. Вормем ассэ ачиз, берытскымтэ берлань. Соку ик капчигсс луэм солы. Вамыш тэме злы быдэ Курдан пичиёмыны ӧдьям. Быдэс уй мынэм Дондй. Чукна пал Нюлэсмуртлэн карез доры вуэм. Борддор кадь сылйсь писпуос сьӧрын вылэм солэн юртэз. Уй куспын Курдан пичи мунё быдэз гинэ кылем.

Дырекиясь куараен сипыртэ, пе, Дондйлэн пеляз:

- Кошком татысь эечкын, Нюлэсмуртэз нокин ӧз вормылы на, егит даурад йырде юнме быдтод.

Чап соку укноостэм-мартэм, сю арьем пужымъёс жужда коркась дыдылэн кыламе-бураме кылйськем. Сыче жож куараен кырза, пе, со, жуизем писпуос ик йырзэс мыкыртйллям. Нюлэсмуртлы лек вожпотонэн жуатскем Дондй, гажанэзлэсь куаразэ кылыса. Пельпумъёсыныз сзэъялтэм но - акылес Курдан кыдёке палдэм, музьем борды шуккиськыса везэктэм; палашеныз шоналскем - кусо улын турын сямен пограллям коркаез котыртэм писпуос.

- Нюлэсмурт, пот татчы, кужыммес мерталом! - кеськем Дондй.

Батыр куараезлэсь быдэс нюлэс зуркаса кошкем, кионъёс, быжзэс шымыртыса, гуосазы пыриллям, гондырьёс бурсыса ватскиллям силё люкъёс улэ, пичи пӧйшуръёс воксё сюрэм путон калэ вуиллям. Нюлэсмурт шимес зукуртыса потэм коркасьтыз, адыми вылэ ожалскем но - палаш шоры жимем, бордысьтыз шелепъёс палдйллям. Писпуос сьӧры ватскем Нюлэсмурт. Дондй, соосты резь-куаж карыса, дораз вуэм, тани-тани коралтоз сое.



Нюлэсмурт кышкам сыҕе батыр, кужмо адымилэсь - ульёссэ-вайёссэ киргатъяса, пегҕыны  
өдъям. Нош Курдан Нюлэсмуртлэн пельпум вылаз тэтчем но Жабырей кадь кырмиськем  
бордаз.

Со дырысен адымиос Нюлэсмуртэз адҕыллһямтэ ни. Тйни озыы Дондй Курданэз но,  
Нюлэсмуртэз но вормем, чебер Дыдыез мозмытэм, гуртаз берытскем. Туж кема но шудо  
улйлһям соос Дыдыен.

